

## ПОСЛѢДОВАНИЕ БОГОСЛУЖЕНИЯ

29 июля 2024 года.

Понедѣльник. Мц. Иу́лии дѣвы, Карфагѣнской.

Содержание:

На 9-М Чáсе: .....	1
Вседнѣвная Вечѣрня .....	2
Господи Воззва́х, Глас 4: .....	2
Совершается Вход С Кадѣлом. ....	3
Прокѣимен Вечѣрни: .....	3
Стихѣры На Стихѣвне: .....	4
Тропарѣ По Трисвятѣм:.....	4
У́тренья.....	5
Тропарѣ На Бог Господь, Глас 4:.....	5
Седальны По Кафѣзмам: .....	5
Канѣн: .....	6
Светѣльны По Канѣну:.....	10
Стихѣры На Стихѣвне: .....	11
Тропарѣ По Трисвятѣм:.....	11
На Часах: .....	12
Божѣственная Литургѣя .....	13
Пѣрвый Антифѣн, Вседнѣвный:.....	13
Вторѣй Антифѣн, Вседнѣвный: .....	13
Единорѣдный Сѣне:.....	13
Трѣтий Антифѣн, Вседнѣвный:.....	13
Тропарѣ В Храме Господском И Богорѣдицы:.....	14
Тропарѣ В Храме Святѣго: .....	14
Прокѣимны, Апѣстол, Аллилуáрии .....	15
Чтѣние Евáнгелия: .....	16
Причáстны:.....	17

### НА 9-М ЧА́СЕ:

#### Вариант «А»

#### *Тропарѣ:*

*Тропарь воскресный, глас 4:*

Свѣтлую воскресѣния прѣповедь / от А́нгела увѣдевша Господни учѣницы / и прáдѣднее осуждѣние отвѣргша, / апѣстолом хвáлящася глаго́лаху: / испровѣржеся смѣрть, / воскресѣ Христѣс Бѣг, / дáруяй мѣрови вѣлию мѣлость.

**Слáва Отцѣ и Сѣну и Святѣму Дѣху.**

*Тропарь отцов, глас 8:*

Уподобѣлся есѣ купцѣ, ищущему дѣбраго бѣсера, / славнодержáвный Владѣмире, / на высотѣ столá седя мáтере градѣв, богоспасáемаго Кѣева: / испытѣя же и посылая к Цáрскому граду увѣдѣти правослáвную вѣру, / обрѣл есѣ безценный бѣсер – Христá, / избрáвшаго тя, я́ко вторáго Пáвла, / и оттрáсшаго слѣпотѣ во святѣй купѣли, / душѣвную,

вкупе и телесную./ Тёмже прázднуем твоё успéние,/ лю́дие твои́ сущe,/ моли́ спастис́я держáвы твоея́ Росси́йския начальником и мно́жеству владóмых.

**Конда́к:**

*Конда́к воскрéсный, глас 4:*

Спа́с и Изба́витель мо́й / из грóба, я́ко Бо́г, / воскреси́ от у́з земнорóдных, / и врата́ áдова сокруши́, / и я́ко Влады́ка воскресе́ триднёвен.

**Вариант «Б»**

**Тропа́рь:**

*Тропа́рь воскрéсный, глас 4:*

Свётлую воскрeсeния про́поведь / от А́нгела уве́девша Господни́ учени́цы / и пра́деднее осужде́ние отвeргша, / апо́столом хва́лящаяся глаго́лаху: / испроверже́ся сме́рть, / воскресе́ Христóс Бо́г, / да́руяй ми́рови ве́лию ми́лость.

**Сла́ва Отцу́ и Сы́ну и Свято́му Ду́ху.**

*Тропа́рь отцов, глас 8:*

Препросла́влен еси́, Христé Бо́же наш,/ свети́ла на земли́ отцы́ на́ша основа́вый/ и те́ми ко и́стинней ве́ре вся ны наста́вивый,/ Многоблагоутро́бне, сла́ва Тебе́.

**Конда́к:**

*Конда́к отцов, глас 8:*

Апо́стол пропове́дание и оте́ц догма́ты/ Це́ркве еди́ну ве́ру запечатле́ша,/ я́же и ри́зу нося́щи и́стины, истканну́ от е́же свы́ше Богослóвия,/ исправля́ет и сла́вит благоче́стия вели́кое та́инство.

**ВСЕДНЕ́ВНАЯ ВЕЧЕ́РНЯ**

*Кафизмы нет.*

**ГОСПОДИ ВОЗЗВА́Х, ГЛАС 4:**

**Канона́рх: Глас 4, Го́споди, воззва́х к Тебе́, услы́ши мя.**

**Хор:** Го́споди, воззва́х к Тебе́, услы́ши мя./ Услы́ши мя, Го́споди./ Го́споди, воззва́х к Тебе́, услы́ши мя:/ вонми́ гла́су молéния моего́,/ внегда́ воззвати́ ми к Тебе́.// Услы́ши мя, Го́споди.

Да испра́вится моли́тва моя́,/ я́ко кади́ло пред Тобóю,/ воздея́ние руку́ моею́ / – же́ртва вечерня́.// Услы́ши мя, Го́споди.

*Стихи́ры окто́иха, глас 4:*

На 6. Стих: **Аще беззакóния на́зриши, Го́споди, Го́споди, кто постои́т?/ Я́ко у Тебе́ очи́щение е́сть.**

Согрeших к Тебе́, Человеколю́бче,/ не по естeству́ я́ко человек, да испрошу́ прощéние:/ но па́че челове́ка, и вы́ше естeствá,/ и па́че прощéния./ Но и́же вы́ше естeственных устáв,/ и па́че постижéния мы́сли,/ Челове́к, Спа́се, мо́й быв,/ и па́че ума́ человеколю́бное имы́й,// помы́луй мя́ к Тебе́ обраща́ющагося.

Стих: **Имене́ ра́ди Твоего́ потерпéх Тя, Го́споди, потерпé душа́ моя́ в сло́во Твое́,/ упова́ душа́ моя́ на Го́спода.**

Положи́л еси́ пока́яние согрeша́ющим Христé,/ а не пра́ведным:/ о́браз у́бо и́мам разбо́йника же и блу́днаго,/ Манассии́ и блудни́цы,/ гонителя́, мытаря́, и отméтника,/

неудобь отчаяваюся,/ Твое бо человеколюбное, и преблагое ведый, Спасе мой,/ обращаюся же и слезю, // и благонадежден бываю яко приимеши мя.

На 4. Стих: **От стражи утренния до нощи, от стражи утренния, / да уповаёт Израиль на Господа.**

Даждь ми умиление,/ и злых отчуждение,/ и совершенное исправление,/ в страстех телесных ныне погруженому,/ и удаленному от Тебе, Боже всех Царю,/ и никакоже надежду имуща,/ спаси мя блуднаго,/ многия ради благости, // Иисусе Всесильне, Спасе душ наших.

*Стихирь мученицы, глас тойже:*

Стих: **Яко у Господа милость, и многое у Него избавление, / и Той избавит Израиля от всех беззаконий его.**

Девства добротами и мучений кровью, / душу твою украсивши мученице славная, Иулие, / вручилась еси Создавшему, / сохраняющему тя нетленну во век истинно, / о сем ликовствующи с воинствы архангел и ангел, / апостол же и пророк, / и мученик ликостойнии всехвальная.

На 2. Стих: **Хвалите Господа вси языцы, / похвалите Его вси людие.**

И к колесам привязана, / и зверью растерзана, / и огнем и водою обостривши / твой помысл Божественным духом, / тьмы начальника, / течении кровными мужески удавила еси, / и востекла еси к разумным чертогом, / вено Жениху твоему дево принеши страдание.

Стих: **Яко утвердися милость Его на нас, / и истина Господня пребывает во век.**

Жениха Христа кровию / освятившись прехвальная, / твою кровию украсила еси плотскую одежду. / Темже обоюду просвещшись прехвальная, Иулие, / светлаго сподобилася еси чертога Его: / Егоже моли, / от тли и бед избавитися, / верою творящим всечестную память твою.

*Слава и ныне, Богородичен, глас тойже:*

Яко молитву неусыпающую, / и мольбу пребывающую, / имущи Пречистая ко Господу, / напасти успи, и волны укроти окайнные моея души, / и в скорби сущее сердце мое утеша Отроковице, / молю Тя, и облагодати ум мой, // яко да достойно Тя прославлю.

*СОВЕРШАЕТСЯ ВХОД С КАДИЛОМ.*

**ПРОКІМЕН ВЕЧЕРНИ:**

Прокімен, **глас 8:** **Се ныне благословите Господа / вси раби Господни.**

**Хор:** **Се ныне благословите Господа / вси раби Господни.**

В понедельник, глас 4:

Господь у - слы́шит мя, внемда́ воззва́ - ти ми к Не - му́.

**Диакон:** Внемда призвати ми, услыша мя Бог правды моея.

**Хор:** **Се ныне благословите Господа / вси раби Господни.**

**Диакон:** Се ныне благословите Господа.

**Хор:** **Вси раби Господни.**

**СТИХИРЫ НА СТИХОВНЕ:**

**Канона́рх: Глас 4,** Хотѣх слезáми омýти

*(стихíры Окто́иха):*

**Хор:**

Хотѣх слезáми омýти/ мо́их прегрешéний, рукописа́ние, Го́споди,/ и прóчее живота́ моего́,/ покая́нием благоугоди́ти Тебе́:/ но вра́г льсти́т мя, и бо́рет ду́шу мою́.// Го́споди, прѣжде да́же до конца́ не поги́бну, спаси́ мя.

**Стíх 1: К Тебе́ возведóх óчи мой Живúщему на Небеси́. Се я́ко óчи ра́б в руку́ господа́й свои́х, я́ко óчи рабы́ни в руку́ госпожи́ своея́: та́ко óчи на́ши ко Го́споду Бо́гу на́шему,/ дóндеже ущéдрит ны.**

Кто́ обурева́емь,/ и притека́я ко приста́нищу Твоему́, Го́споди, не спасéтся?/ Или́ кто́ недúгуя,/ и припа́дая ко врачевствú Твоему́, не уврачу́ется,/ Содéтелю вся́ческих, и Врачу́ недúжных?// Го́споди, прѣжде да́же до конца́ не поги́бну, спаси́ мя.

**Стíх 2: Помíлуй нас, Го́споди, помíлуй нас, я́ко по мно́гу испóлнихомся уничи́жения: наипáче напóлнися душа́ на́ша поношéния гобзúющих:/ и уничи́жения гóрдых.**

Прославля́йся в па́мятех святýх Твои́х Христé Бóже,/ и от ни́х умолен бывáя,// низпосли́ нам вéлию мýлость.

**Сла́ва и ны́не, Богородичен, глас то́йже:**

Ра́дуйся, Свѣта óблаче,/ ра́дуйся, Свѣщнице свѣтлый,/ ра́дуйся Рúчко, в не́йже ма́нна,/ ра́дуйся, Жѣзле Аарóнов,/ ра́дуйся, Купино́ неопали́мая,/ ра́дуйся, Черто́же,/ ра́дуйся, Престо́ле,/ ра́дуйся, Горó святáя,/ ра́дуйся, Прибе́жище,/ ра́дуйся, Божѣственная Трапéзо,/ ра́дуйся, Двере́ та́йная,// ра́дуйся, всѣх Ра́досте.

**ТРОПАРИ́ ПО ТРИСВЯТО́М:**

*Тропа́рь мученицы, глас 4:*

А́гница твоя́ Исýсе, Иу́лия,/ зовет вéлиим гла́сом:/ Тебе́ Женише́ мо́й люблю́,/ и Тебе́ и́щущи страда́льчествую/ и сраспина́юся, и спогребáюся крещéнию Твоему́,/ и стражду́ Тебе́ ра́ди,/ я́ко да Цáрствую в Тебе́, и умира́ю за Тя́,/ да и живу́ с Тобóю:/ но я́ко жéртву непорóчную приими́ мя с любóвию пожéршуюся Тебе́,/ тоя́ моли́твами,// я́ко мýлостив, спаси́ ду́шы на́ша.

**Слава и ныне, Богородичен, глас 4:**

Воспита́вшейся во хра́ме во святáя святýх, / одѣя́нней véрою и премýдростию и безме́рным дѣвством, / Архистратíг Гаври́ил принесé с Небесé целова́ние / и, е́же ра́дуйся, ра́дуйся, Благословéнная, / ра́дуйся, Препросла́вленная, Господь с Тобóю.

## УТРЕНЯ

### ТРОПАРИ НА БОГ ГОСПОДЬ, ГЛАС 4:

**Хор:**

*Тропарь мученицы, глас 4:*

Агница твоя Иисусе, Иулия, / зовёт велиим гласом: / Тебе Женише мой люблю, / и Тебе ищущи страдальчеству / и сраспинаюся, и спогребаяюся крещению Твоему, / и стражду Тебе ради, / яко да Царствую в Тебе, и умираю за Тя, / да и живу с Тобю: / но яко жертву непорочную приими мя с любовью пожержуюся Тебе, / тоя молитвами, // яко милостив, спаси души наша.

*(Дважды)*

**Слава и ныне, Богородичен, глас 4:**

Воспитавшейся во храме во святая святых, / одянной верою и премудростию и безмерным девством, / Архистратиг Гавриил принесё с Небес целование / и, еже радуйся, радуйся, Благословенная, / радуйся, Препрославленная, Господь с Тобю.

*Читается 4-я и 5-я кафизмы. Малых ектений нет.*

### СЕДАЛЬНЫ ПО КАФИЗМАМ:

**По 1-м стихословии седален октоиха, глас 4:**

Смирённую мою душу посети, Господи, во гресех все житие иждившую: якоже блудницу приими мене, и спаси мя.

**Стих: Господи, да не яростию твоёю обличиши мене, ниже гневом Твоим накажеш мене.**

Преplавая пучину настоящего жития, помышляю бездну многих моих зол, и не имеяй окормителя помышлений, Петров провещаваю Ти глас: спаси мя, Христе, спаси мя, Боже, яко Человеколюбец.

**Слава, и ныне, Богородичен:**

Стена непобедимая нам христианом еси, Богородице Дево: к Тебе бо прибегающе невредими пребываем, и паки согрешающе, имамамы Тя Молитвенницу. Тем благодарственно вопием Ти: радуйся, Благодатная, Господь с Тобю.

**По 2-м стихословии седален октоиха, глас 4:**

Скоро совнидем в невестник Христов, да вси услышим Божественный глас Христа Бога нашего: приидите любящие Небесную славу, и примите сию вкупе с мудрыми девами, просветивше свещи своя верою.

**Стих: Господи, да не яростию Твоею обличиши мене, ниже гневом Твоим накажеш мене.**

Множеством прегрешений моих осуждаем, и страхом мучения смущаем есмь. Христе Боже наш, слезы покаяния от сердца приношу Тебе, имущему власть живота, и смерти, и зову Ти во умилении: согреших, Господи, спаси мя.

**Стих: Дивен Бог во святых Своих, Бог Израилев.**

Днесь ангельская воинства, в память страстотерпец приидоша, верных мысли просветити, и вселенную благодатию уяснити: теми, Боже, умолён бывая, даруй нам велию милость.

**Слава, и ныне, Богородичен:**

Еже от ангела слово приемши, Дево, во утробе Твоей, и рождши воплощенна Христа Бога Еммануила, Богородице, моли о душах наших.

Читается 50-й псалом.

**КАНОН:**

**В храме Господском, Богородицы и Святого:**

**«На 4»:**

**Песнь 1**

**Ирмос, глас 4:**

Тристаты крепкия,/ Рождейся от Девы,/ безстрастия во глубинэ,/ души тричастное потоπί, молюся,/ да Тебэ, яко в тимпане,/ во умерщвлении телесэ// победное воспою пение.

Припев: **Помилуй мя, Бóже, помилуй мя.**

Спасе мой, Иисусе, Иже блуднаго спасый, и иже блудницы плач приемый, Иже мытаря воздохнувши, мановением своим оправдавый, и мене без числа согрешившаго, и обращающаяся примий, и спаси мя.

Припев: **Помилуй мя, Бóже, помилуй мя.**

Яко вещь снедает душу мою злбный огнь, и пламени творит подгнещение будущему: Человеколюбче, угаси того, орошением Твоих милостей, Долготерпеливе, подав ми слезы покаяния.

Припев: **Святїи Архангели и Ангели, молити молити Бóга о нас.**

Яко ум чїстїи, Ангели, Великому и Первому предстояще Уму, и Божественнаго сияния насыщаеми, лучею мя вашею озарите, поюще всевиновнаго Слóва пресла́внии.

Припев: **Святая мученице Иулие, моли Бóга о нас.**

Влечет к песнопению премирных воинства, и земных лики, всехвальная отроковица, чудесы.

**Слава Отцу и Сыну и Святому Духу/ и ныне и присно и во веки веков. Аминь.**

**Песнь 3**

**Ирмос, глас 4:**

С высоты снишел еси волю на землю,/ превыше всякаго начала/ и смиренное вознесл еси/ из ада преисподняго/ естество человеческое,// несть бо свят паче Тебэ, Человеколюбче.

Припев: **Помилуй мя, Бóже, помилуй мя.**

Нощию мя жития тьма страстей объяла есть, Христэ Бóже, свет сый незаходимый, лучами покаяния озарив мя спаси, яко Человеколюбец, да славлю Тя.

Припев: **Помилуй мя, Бóже, помилуй мя.**

Части мя покажи, Христэ, избранных наследника, сопротивная части отлучив, Спасе, слезами и милостынею очищена, яко да во хвалении Тя славлю всегда.

Припев: **Святїи Архангели и Ангели, молити молити Бóга о нас.**

Иже премирными лики воспеваемый Христэ, чином тех верных составления воспевати богомудренно сотвори, Слове: несть бо свят паче тебе, Человеколюбче.

Припев: **Святая мученице Иулие, моли Бóга о нас.**

Явилася еси на судищи мужественну душу носящи, и врага якоже немужественна победила еси всехвальная.

**Слава Отцу и Сыну и Святому Духу/ и ныне и присно и во веки веков. Аминь.**

**Катавасия, глас 8:**



Ты еси утверждение / притекающих к Тебе, Господи, / Ты еси Свет омраченных, / и поёт  
Тя дух мой.

### **ЕКТЕНИЯ МАЛАЯ.**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** Аминь.

**Чтец:**

*Седáлен, мученицы, глас 8:*

Кровей твоих струями мученице Христова, потоп нечестивым присно действуеши, всехвальная: тучами же благодати словесныя нивы напаяющи всегда, в нихже возвращаеши клас веры, тем преславно и по смерти явилася еси облак, источающи жизни свидетельство, стратотерпице всехвальная, Иулие, молися Христу Богу согрешений оставление даровати, чтущим любовь святую память твою.

*Слава и ныне, Богородичен:*

Яко Деву и едину в женах, Тя безсеменно рождшую Бога плотию, вси ублажаем роди человечести: огнь бо вселися в Тя Божества, и яко Младенца дойши Зиждителя и Господа. Тем ангельский собор, и человеческий род, достойно славим пресвятое рождество Твое, и согласно вопием ти: моли Христа Бога, прегрешений оставление даровати, достойно поющим славу Твою.

### **Песнь 4**

**Ирмос, глас 4:**

Седая в Славе на Престоле Божества, / во облаце легце, / прииде Иисус Пребожественный, / Нетленною Дланию и спасе зовущия: // слава, Христе, силе Твоей.

Припев: **Помилуй мя, Боже, помилуй мя.**

Яко судий праведнейшему ныне припадаю Ти, Господи, осужденна и отчаяннаго мя ущедри, и праведнаго Твоего избави изречения, и стояния избранных сподоби.

Припев: **Помилуй мя, Боже, помилуй мя.**

В разбойники впадша неукротимья, Человеколюбче, и уязвлена бывша исцели, Христе, возливая на мя покаяния вино и елей и одевая мя одеждою спасения моего.

Припев: **Святии Архангели и Ангели, молитесь молитесь Бога о нас.**

Непостижимую силою от небытия привел еси небесныя умы, слове Божий пресущественный, и неизреченною Твоею славою украсил еси, зовущия: слава, Христе, силе Твоей.

Припев: **Святая мученице Иулие, моли Бога о нас.**

Нескверное зеркало Божественных разумений тебе самую устроивши, яко светильник золотопотнейший страдалиц посреде, мученице, возсияла еси.

**Сла́ва Отцу́ и Сы́ну и Свято́му Ду́ху/ и ны́не и прѣсно и во ве́ки веко́в. Ами́нь.**

### **Песнь 5**

**Ирмос, глас 4:**

Ны́не воста́ну, проро́чески рече́ Бог,/ ны́не просла́влюся, ны́не вознесу́ся,/ па́дшаго прие́м от Де́вы// и к све́ту умно́му возно́сѣй Моего́ Божества́.

Припев: **Помѣлуй мя, Бо́же, помѣлуй мя.**

О ка́ко осужде́н хо́щю предста́ти Тебе́, Судии́ Бо́гу все́х, и обличе́н бы́ти о все́х злы́х, ѡ́хже без ума́ согреши́х во́лею, и все́го се́бе непотре́бна сотвори́х!

Припев: **Помѣлуй мя, Бо́же, помѣлуй мя.**

Спаси́ мя, Го́споди, я́ко зол испо́лнихся мно́гих, и молю́ся: исцели́ грехи́ моя́ и гно́ения лю́бая, и не оста́ви поги́бнути мя́ еди́наго, Иису́се мой, мно́го Ты́ согреши́вшаго.

Припев: **Святы́и Арха́нгели и А́нгели, молите мо́лите Бо́га о на́с.**

Тре́петно сла́вят Херуви́ми, и Серафи́ми, со Престо́лы, и Божѣственнии Арха́нгели, и Го́сподьствия, и Си́лы, и Нача́ла, и вла́сти со А́нгелы, честно́е еди́но и трѣическое Божество́.

Припев: **Свята́я му́ченице Иу́лие, моли́ Бо́га о на́с.**

Дне́ и ми́ра противополо́жное уве́девши ратолю́бнаго де́мона любѣти не восхоте́ла еси́.

**Сла́ва Отцу́ и Сы́ну и Свято́му Ду́ху/ и ны́не и прѣсно и во ве́ки веко́в. Ами́нь.**

### **Песнь 6**

**Ирмос, глас 4:**

Приидо́х во глуби́ны морскѣя,/ и пото́пила мя́ е́сть бу́ря мно́гих грехо́в,/ но, я́ко Бог, из глуби́ны возведи́ живо́т мой,// Многомѣлостиве.

Припев: **Помѣлуй мя, Бо́же, помѣлуй мя.**

Ме́ртв си́й не разумѣю, не чу́вствуя окая́нный, и со́весть оскверне́ну но́сѣ прѣсно: Бо́же Созда́телю мой, да не до конца́ погуби́ши мене́.

Припев: **Помѣлуй мя, Бо́же, помѣлуй мя.**

Де́яния моя́ я́коже врази́ оклеветати́ мя́ хотѣт на суди́щи твоѣм, Ще́дре: от ни́хже ско́ро изба́ви, Христе́, наставля́я мя́ к пока́йнию.

Припев: **Святы́и Арха́нгели и А́нгели, молите мо́лите Бо́га о на́с.**

О́крест Владѣ́ки предсто́яще а́нгельская во́инства, и чи́сте наслажда́ющесе́ сия́нием нача́ла све́тлаго, просвети́те ве́рою ва́с пою́щих.

Припев: **Свята́я му́ченице Иу́лие, моли́ Бо́га о на́с.**

Му́жественное в же́нстей плѣти ду́ши мудрова́ние но́сѣщи сла́вная, о зве́рех су́щих в вода́х неради́ла еси́.

**Сла́ва Отцу́ и Сы́ну и Свято́му Ду́ху/ и ны́не и прѣсно и во ве́ки веко́в. Ами́нь.**

**Катава́сия, глас 8:**

Рѣзу́ мне пода́ждь све́тлу, / одея́йся све́том, я́ко рѣзою, / Многомѣлостиве Христе́ Бо́же наш.

### **ЕКТЕНИЯ МА́ЛАЯ.**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.



**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Хор: Тебѣ, Гѳсподи.**

**Иерѣй:** Яко Ты еси Бог наш, и Тебѣ славу воссылаем, Отцу и Сыну и Святому Духу, ныне и присно и во веки веков.

**Хор: Амѣнь.**

**Чтец:**

*Кондак мученицы, глас 2:*

Храм твой всечестный, / яко цельбу душевную обретше вси вернии, / велегласно вопием ти / дево мученице, Иулие, великоименитая: // Христа Бога моли непрестанно о всех нас.

*Икос:*

Уневѣстившуюся Христу мучением, Иулие, сошедшая почти достойно: яко да тоя молитвами, душетленные пагубы избавльшися, губительства, труса и падѣжа, житие во смирение препроводим, сподобльшися со всеми святыми, от века Богу благоугодившими, ходити во свете, и пѣти с сими: удивил еси, Спасе, Твоя милости всем человеком, верою хвалящим ю. Темже зовем ей: моли непрестанно о всех нас.

### **Песнь 7**

**Ирмос, глас 4:**

Юноши три в Вавилоне, / веление мучителево на буйство предложше, / посреде пламене вопияху: // благословен еси Гѳсподи, Боже отец наших.

Припев: **Помилуй мя, Боже, помилуй мя.**

Кому Ты уподоблю, душе моя окаянная, увы мне, любящую безместная, а не добрая взыскующую? Темже прежде конца потщися образы благия показати.

Припев: **Помилуй мя, Боже, помилуй мя.**

Тучу ми, Христе, слез даждь, яко да от лютых моих измьюся, и не остави мене, Спасе, ныне погибнути, согрешившаго Ти много паче человек.

Припев: **Святїи Архангели и Ангели, молитѣ молитѣ Бога о нас.**

Свидѣтели содеянным имуще мысленные Ангелы, изберем чистое житие душе моя, вопиюще: благословен еси Гѳсподи Боже отец наших.

Припев: **Святая мученице Иулие, моли Бога о нас.**

Паче ума явися Божественных мучеников благомужества: зиждитель бо всех, тварь покарят во страдании зовущим: отец наших Боже, благословен еси.

**Слава Отцу и Сыну и Святому Духу / и ныне и присно и во веки веков. Амѣнь.**

### **Песнь 8**

**Ирмос, глас 4:**

Избавителю всех, Всесильне, / посреде пламене благочествовавшия, / снизшед, оросил еси, / и научил еси пѣти: // вся дела, благословите, пойте Гѳспода.

Припев: **Помилуй мя, Боже, помилуй мя.**

Явися скотом подобен безсловесным, поклонився страстем. Слове Божий пребезначальне, обратив мя, спаси вопиюща: благословите вся дела Господня Гѳспода.

Припев: **Помилуй мя, Боже, помилуй мя.**

Озоба вебрь, позоба единок мя, Спасе, якоже виноград возделанный духом: от негоже избави мя, Слове, и плодоносна добродетельми абие Тебе покажи.

Припев: **Святїи Архангели и Ангели, молити молїте Бѳга о нас.**

Яко сый живѳт безсмѳртный, безсмѳртному живѳту причащатися зиждїтельне сотворїл есї Ангелы, и научїл есї пѳти: благословїте, поїте Гѳспода.

Припев: **Святая мученице Иулие, моли Бѳга о нас.**

Блаженнейшая в женах, вышняго возмездную имущи благодать, пояше хвѳлящи Христа во веки вся.

**Благословїм Отца, и Сына, и Святаго Духа, Гѳспода и ныне и прїсно и во веки веков. Амїнь.**

**Хор: Хвѳлим, благословїм, покланяемся Гѳсподеви, поюще и превозносяще во вся веки.**

**Катавасия, глас 8:**

Царя Небеснаго, / Егоже поют вои Ангельстии, / хвалите и превозносите во вся веки.

**Диакон:** Богородицу и Матерь Света в песнях возвеличим.

**Хор:** Поет «Честнейшую»

## Песнь 9

**Ирмос, глас 4:**

Ева убо недугом преслушания/ клятву вселила есть;/ Ты же, Дево Богородице,/ прозябением чревоношения мируи Благословение процвела есть.// Тем Тя вси величаем.

Припев: **Помилуй мя, Бѳже, помилуй мя.**

Се покаяния время, что ленимся, что сном погружаемся? Уныния да отступим, украсим свещи, якоже пишет, елеем благотворения: да не останем внеуду дверей рыдающе.

Припев: **Помилуй мя, Бѳже, помилуй мя.**

Дондеже есть время покаяться, обратися от зол Твоих, душе моя, яже содела еси ведением и неведением, и возопий к ведущему вся: согреших Ти, прости Владыко, и не гнушайся мене, недостойнаго.

Припев: **Святїи Архангели и Ангели, молити молїте Бѳга о нас.**

Иже ума родителя, и предложителя Сыну и Духу поюще Ангели, ныне к нам Божественныя благодати подающа, прилежно приемше посылати усердствуйте.

Припев: **Святая мученице Иулие, моли Бѳга о нас.**

Течение живыя крове знамение нетленныя свѳше дарованныя тебе жизни, мученице всехваляная: целений бо сокровище непрестанное черплющым явилася еси.

**Слава Отцу и Сыну и Святому Духу/ и ныне и прїсно и во веки веков. Амїнь.**

**Катавасия, глас 8:**

Тя, Неискусобрачную Матерь Бѳга Вышняго, / Тя, паче ума рождшую словом войстинну Бѳга, / вышшую пречистых Сил, / немолчными славословлениями величаем.

**Хор:** Достойно есть...

## СВЕТИЛЬНЫ ПО КАНОНУ:

*Ексапостиларий октоиха:*

Небо звездами украсивый яко Бог, / и Твоими Ангелы всю землю просветивый, / Содетелю всех, поющия Тя спасай.

**Слава, светїлен мученицы:**

Яко невеста украсилася еси добротой, обручившись Жених страстми добротворными: внутрь же чертога световидна, яко избранная вселилася еси, носящи свещу Девческую, и ныне царствуеши с живущим во веки, Иулие, сияющи.

**И ныне, Богородичен:**

Тя заступление вси ймамы грешнии, о пречистая Дево! Ты благоуветлива нам сотвори Сына Твоего матерними Твоими молитвами.

*Читается всендневное славословие.*

### **СТИХИРЫ НА СТИХОВНЕ:**

**Канонарх: Глас 4,** Омый мя слезами мойми Спасе

*(стихиры Октоиха):*

**Хор:**

Омый мя слезами мойми Спасе,/ яко осквернихся многими грехи./ Темже и припадаю Ти:// согреших, Боже, и помилуй мя.

**Стих 1: Исполнимся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя,/ и настави сыны их.**

Овча есмь словеснаго Твоего стада,/ и к Тебе прибегаю Пастырю доброму,/ взыщи мене заблудшаго, Боже, // и помилуй мя.

**Стих 2: И буди светлость Господа Бога нашего на нас, и дела рук наших исправи на нас,/ и дело рук наших исправи.**

Кто не ужасается зря, святии мученицы,/ подвига добраго вашего, имже подвизаетесь?/ Како во плоти суще, безплотнаго врага победите,/ Христа исповедающе,/ и Крестом вооружившесь!/ Темже достойно являетесь бесов прогонителие,/ и варваров сопротивоборцы, // непрестанно молящесь, спастися душам нашим.

**Слава и ныне, Богородичен, глас тойже:**

Богородице всех Царице,/ православных похвало,/ еретичествующих шатания разорй,/ и лица их посрамай,/ не кланяющихся, ниже чтущих Пречистая, // честный Твой образ.

### **ТРОПАРИ ПО ТРИСВЯТОМ:**

*Тропарь мученицы, глас 4:*

Агница твоя Иисусе, Иулия,/ зовёт велиим гласом:/ Тебе Женише мой люблю,/ и Тебе ищущи страдальчествоую/ и сраспинаюся, и спогребаяюся крещению Твоему,/ и стражду Тебе ради,/ яко да Царствую в Тебе, и умираю за Тя,/ да и живу с Тобю:/ но яко жертву непорочную приими мя с любовью пожержуюся Тебе,/ тоя молитвами, // яко милостив, спаси души наша.

**Слава и ныне, Богородичен, глас 4:**

Яко всех еси творений вышшая, / воспевати Тя достойно недоумеваяще, Богородице, / туне, молим Тя, помилуй нас.

**НА ЧАСАХ:**

***Тропарі на 1, 3, 6 и 9 часе:***

**Слава Отцѹ и Сѣну и Святому Дѹху.**

*Тропарь мученицы, глас 4:*

Агница твоя Иисусе, Иулия, / зовѣт велиим гласом: / Тебѣ Женише мой люблю, / и Тебѣ ищущи страдальчеству / и сраспинаюся, и спогребаяюся крещению Твоему, / и стражду Тебѣ ради, / яко да Царствую в Тебѣ, и умираю за Тя, / да и живу с Тобю: / но яко жертву непорочную приими мя с любовью пожержуюся Тебѣ, / тоя молитвами, // яко милостив, спаси души наша.

***Кондак на 1, 3, 6 и 9 часе:***

*Кондак мученицы, глас 2:*

Храм твой всечестный, / яко цельбу душевную обрѣтше вси вернии, / велегласно вопием ти / дево мученице, Иулие, великоименитая: // Христа Бога моли непрестанно о всех нас.

## БОЖЕСТВЕННАЯ ЛИТУРГИЯ

*Изменяемые части Литургии:*

### ПЕРВЫЙ АНТИФОН, ВСЕДНЕВНЫЙ:

**Хор:**

**Стих 1:** Благо есть / исповедатися Господеви. / **Молитвами Богородицы, Спасе, // спаси нас.**

**Стих 1:** Благо есть исповедатися Господеви, / и пети имени Твоему, Вышний. / **Молитвами Богородицы, Спасе, // спаси нас.**

**Стих 2:** Возвещати заутра милость Твою / и истину Твою на всяку ночь. / **Молитвами Богородицы, Спасе, // спаси нас.**

**Стих 3:** Яко прав Господь Бог наш, / и несть неправды в Нем. / **Молитвами Богородицы, Спасе, // спаси нас.**

Слава Отцу и Сыну и Святому Духу, / и ныне и присно и во веки веков. Аминь. / **Молитвами Богородицы, Спасе, // спаси нас.**

### ВТОРОЙ АНТИФОН, ВСЕДНЕВНЫЙ:

**Хор:**

**Стих 1:** Господь воцарися, / в лепоту облечеса. / **Молитвами святых Твоих, Спасе, // спаси нас.**

**Стих 1:** Господь воцарися, в лепоту облечеса: / облечеса Господь в силу и препоясаса. / **Молитвами святых Твоих, Спасе, // спаси нас.**

**Стих 2:** Ибо утверди вселенную, / яже не подвижится. / **Молитвами святых Твоих, Спасе, // спаси нас.**

**Стих 3:** Свидения Твоя уверишася зело, / дому Твоему подобает святыня, Господи, в долготу дний. / **Молитвами святых Твоих, Спасе, // спаси нас.**

### ЕДИНОРОДНЫЙ СЫНЕ:

**Хор:** Слава Отцу и Сыну и Святому Духу и ныне и присно и во веки веков. Аминь.

Единородный Сыне...

### ТРЕТИЙ АНТИФОН, ВСЕДНЕВНЫЙ:

**Хор:**

**Стих 1:** Приидите, возрадуемся Господеви, / воскликнем Богу Спасителю нашему. / **Спаси ны, Сыне Божий, // во святых дивен сый, поющия ти: аллилуиа.**

**Стих 2:** Предварим лице Его во исповедании, / и во псалмех воскликнем Ему. / **Спаси ны, Сыне Божий, // во святых дивен сый, поющия ти: аллилуиа.**

**Стих 3:** Яко Бог Велий Господь, / и Царь Велий по всей земли. / **Спаси ны, Сыне Божий, // во святых дивен сый, поющия ти: аллилуиа.**

**Стих 4:** Яко в руке Его вси концы земли, / и высоты гор Того суть. / **Спаси ны, Сыне Божий, // во святых дивен сый, поющия ти: аллилуиа.**

**Стих 5:** Яко Того есть море, и Той сотвори е, / и сушу рuce Его создасте. / **Спаси ны, Сыне Божий, // во святых дивен сый, поющия ти: аллилуиа.**

### МАЛЫЙ ВХОД (С ЕВАНГЕЛИЕМ):

**Диакон:** Премудрость, прости.

**Хор:** Приидите, поклонимся и припадём ко Христу. / **Спаси ны, Сыне Божий, // во святых дивен сый, поющия Ти: // аллилуиа.**

## ТРОПАРИ В ХРАМЕ ГОСПОДСКОМ И БОГОРОДИЦЫ:

**Хор:**

### ТРОПАРЬ ХРАМА

*Тропарь дня – Небесным чинам бесплотным, глас 4:*

Небесных воинств Архистратизи,/ молим вас присно мы недостойнии,/ да вашими молитвами оградите нас/ кровом крил невестственных вашей славы,/ сохраняюще нас припадающия прилежно и вопиющия:/ от бед избавите нас,// яко чиновначальницы вышних Сил.

*Тропарь мученицы, глас 4:*

Агница твоя Иисусе, Иулия,/ зовёт велиим гласом:/ Тебе Женише мой люблю,/ и Тебе ищущи страдальчествоую/ и сраспинаюся, и спогребаяюся крещению Твоему,/ и стражду Тебе ради,/ яко да Царствую в Тебе, и умираю за Тя,/ да и живу с Тобю:/ но яко жертву непорочную приими мя с любовью пожержуюся Тебе,/ тоя молитвами,// яко милостив, спаси души наша.

*Кондак дня - Небесным чинам бесплотным, глас 2:*

Архистратизи Божии,/ служителие Божественных славы,/ Ангелов начальницы, и человеков наставницы,/ полезное нам просите, и велию милость,// яко Бесплотных Архистратизи.

*Кондак мученицы, глас 2:*

Храм твой всечестный,/ яко цельбу душевную обретше вси вернии,/ велегласно вопием ти/ дево мученице, Иулие, великоименитая:// Христа Бога моли непрестанно о всех нас.

**Слава, кондак заупокойный, глас 8:**

Со святыми упокой,/ Христэ, души раб Твоих,/ идеже несть/ болéзнь, ни печаль,/ ни воздыхание,/ но жизнь безконечная.

**И ныне:**

### КОНДАК ХРАМА

## ТРОПАРИ В ХРАМЕ СВЯТОГО:

**Хор:**

*Тропарь дня – Небесным чинам бесплотным, глас 4:*

Небесных воинств Архистратизи,/ молим вас присно мы недостойнии,/ да вашими молитвами оградите нас/ кровом крил невестственных вашей славы,/ сохраняюще нас припадающия прилежно и вопиющия:/ от бед избавите нас,// яко чиновначальницы вышних Сил.

### ТРОПАРЬ ХРАМА

*Тропарь мученицы, глас 4:*

Агница твоя Иисусе, Иулия,/ зовёт велиим гласом:/ Тебе Женише мой люблю,/ и Тебе ищущи страдальчествоую/ и сраспинаюся, и спогребаяюся крещению Твоему,/ и стражду Тебе ради,/ яко да Царствую в Тебе, и умираю за Тя,/ да и живу с Тобю:/ но яко жертву непорочную приими мя с любовью пожержуюся Тебе,/ тоя молитвами,// яко милостив, спаси души наша.

*Кондак дня - Небесным чинам бесплотным, глас 2:*



Архистратѣзи Божии, / служителие Божественныя славы, / Ангелов начальницы, и человеков наставницы, / полезное нам просите, и велию милость, // яко Безплотных Архистратѣзи.

### КОНДАК ХРАМА

Кондак мученицы, **глас 2:**

Храм твой всечестный, / яко цельбу душевную обрѣтше вси вернии, / велегласно вопием ти / дево мученице, Иулие, великоименитая: // Христа Бога моли непрестанно о всех нас.

**Слава, кондак заупокойный, глас 8:**

Со святыми упокой, / Христѣ, души раб Твоих, / идеже несть / болѣзнь, ни печаль, / ни воздыхание, / но жизнь безконечная.

**И ныне, кондак Богородицы глас 6:**

Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, / на помощь нас, верно зовущих Ти; / ускори на молитву и потщися на умоление, // предстательствующи присно, Богородице, чтущих Тя.

### Прокимны, Апостол, Аллилуарии

**Чтец:** Прокимен, **глас 4 (дня):** Творяй ангелы Своя дѹхи, / и слуги Своя пламень огненный.

**Хор:** Творяй ангелы Своя дѹхи, / и слуги Своя пламень огненный.




**Чтец:** Благослови, душе моя, Господа, Господи Боже мой, возвеличился еси зело.

**Хор:** Творяй ангелы Своя дѹхи, / и слуги Своя пламень огненный.

**Чтец:** **Глас тойже** (мученицы): Дивен Бог во святых Своих, / Бог Израилев.

**Хор:** Дивен Бог во святых Своих, / Бог Израилев.



### ЧТЕНИЕ АПОСТОЛА:

**Диакон:** Премудрость.

**Чтец:** К Римляном, послания святого апостола Павла чтение.

**Диакон:** Вонмем.

*Чтение дня (Рим. 16:17-24, зач. 121):*

**Чтец:** Братие, молю вы блюдитесь от творящих распри и раздоры, кроме учения, ему же вы научитесь, и уклонитесь от них. Таковыи бо Господеви нашему Иисусу Христу не работают, но своему чреву: иже благими словесы и благословением прельщают сердца незлобивых. Ваше бо послушание ко всем достиже. Радуюся же еже о вас. Хочу же вас мудрым убо быти во благое, простым же в злое. Бог же мира да сокрушит сатану под ноги

ва́ша вско́ре. Благода́ть Го́спода на́шего Иису́са Христа́ с ва́ми. Ами́нь. Целу́ет вас Тимофе́й споспéшник мой, и Луккйй и Иа́сон и Сосипа́тр, срóдницы мой. Целу́ю вы и аз, Те́ртий, написа́вый послáние сиé, о Го́споде. Целу́ет вы Га́ие страннопри́имец мой и цéркве всея́. Целу́ет вы Ера́ст строите́ль гра́дский, и Куа́рт брат. Благода́ть Го́спода на́шего Иису́са Христа́ со все́ми ва́ми. Ами́нь.

*Чтéние мученицы (2Кор. 6:1–10, зач. 181):<sup>1</sup>*

Бра́тие, поспéшствующе мо́лим, не вотщé благода́ть Бо́жию при́йти вам. Глаго́лет бо: во вре́мя приятно послу́шах тебе́, и в день спасéния помого́х ти. Се ны́не вре́мя благоприятно, се ны́не день спасéния. Ни еди́но ни в чéмже даю́ще претыка́ние, да служéние безпорóчно б́удет, но во всем представля́юще себе́ я́коже Бо́жия слуги́, в терпéнии мно́зе, в ско́рбех, в беда́х, в теснота́х, в ра́нах, в темни́цах, в нестроéниях, в трудéх, во бдéниях, в пощéниях, во очищéнии, в ра́зуме, в долготерпéнии, в бла́гости, в Ду́се Святе, в любви́ нелицеме́рне, в словеси́ йстины, в си́ле Бо́жией, ору́жии пра́вды десны́ми и шу́ими, сла́вою и безчéстием, гаждéнием и благохвалéнием, я́ко лестцы́, и йстинни, я́ко незна́еми, и познава́еми, я́ко умира́юще, и се жи́ви есмы́, я́ко наказу́еми, а не умерщвля́еми, я́ко скорб́яще, присно же ра́дующеся, я́ко ни́щи, а мно́гих богат́яще, я́ко ничто́же иму́ще, а вся содер́жаще.

**Иерéй:** Мир ти.

**Чтец:** И ду́хови твоему́.

**Диáкон:** Премудрость.

#### АЛЛИЛУА́РИИ:

**Чтец (дня):** Аллилúия, аллилúия, аллилúия, **глас 5**, Хвалите Го́спода, вси а́нгели Егó, хвалите Егó, вся си́лы Егó.

**Хор:** Аллилúия, аллилúия, аллилúия.

**Чтец:** Я́ко Той рече́ и б́ыша, Той повеле́ и созда́шася.

**Хор:** Аллилúия, аллилúия, аллилúия.

**Чтец (мученицы):** **Глас 1**, Терпя́ потерпéх Го́спода, и внят ми и услы́ша моли́тву мою́.

**Хор:** Аллилúия, аллилúия, аллилúия.

#### ЧТÉНИЕ ЕВА́НГЕЛИЯ:

**Диáкон:** Во́нмем.

*Чтение дня (Мф. 13:10–23, зач. 51):*

**Диáкон:** Во вре́мя óно, приступи́вше ко Иису́су ученицы́ Егó, рекóша: почто́ притчами глаго́леши к наро́дом? Он же отвеща́в рече́ им: я́ко вам данó есть разумéти та́йны Ца́рствия Небéснаго, óнем же не данó есть. Йже бо ймать, да́тся ему́ и преизб́удет ему́, а йже не ймать, и е́же ймать, вóзмется от негó. Сего́ ра́ди в притчах глаго́лю им, я́ко ви́дяще не ви́дят, и слы́шаще не слы́шат, ни разумéют. И сбывáется в них прорóчество Иса́иино, глаго́лющее: слúхом услы́шите, и не ймате разумéти, и зря́ще узрите, и не ймате видети. Отолсте́ бо сёрдце люде́й сих, и ушима́ тяжко слы́шаша, и óчи свой смежи́ша, да не когда́ узрят очима́, и ушима́ услы́шат, и сёрдцем уразуме́ют, и обрат́ятся, и изцелю́ их. Ва́ша же блаже́нна очеса́, я́ко ви́дят, и уши́ ва́ши, я́ко слы́шат. Ами́нь бо глаго́лю вам, я́ко мно́зи прорóцы и пра́ведницы вожде́леша видети, я́же видите, и не видеша, и слы́шати, я́же слы́шите, и не слы́шаша. Вы же услы́шите притчу́ сёющаго. Вся́кому слы́шащему сло́во Ца́рствия и не разумева́ющу, приходи́т лука́вый и восхища́ет всея́нное в сёрдце егó, сиé есть, е́же при пу́ти сёя́нное. А на ка́мени сёя́нное, сиé есть слы́шай сло́во и а́бие с ра́достью приéмлет é, не ймать же ко́рене в себе́, но привре́менен есть, б́ывши же печáли

<sup>1</sup> Или Гал 3:23–29, зач 208.

или гонению словесе ради, абие соблажняется. А сеянное в тернии, се есть слышай слово, и печаль века сего и леть богатства подавляет слово, и без плода бывает. А сеянное на добрей земли, се есть слышай слово и разумеая, иже убо плод приносит и творит ово сто, ово же шестьдесят, ово тридцать.

*Чтение мученицы (Мф. 15:21–28, зач. 62):*

Во время оно, вниде Иисус во страны Тирския и Сидонския. И се жена Хананейска, от предел тех изшедши, возопи к Немю глаголющи: помилуй мя, Господи, сыне Давидов, дщи моя зле беснуется. Он же не отвещая ей словесе. И приступльше ученицы Его, моляху Его, глаголюще: отпусти ю, яко вопиет в след нас. Он же отвещав рече: несть послан, токмо ко овцам погибшим дому Израилева. Она же пришедши поклонися Ему, глаголющи: Господи, помози ми. Он же отвещав рече: несть добро отяти хлеба чадом и поврещи псом. Она же рече: ей, Господи, ибо и пси ядят от крупниц падающих от трапезы господей своих. Тогда отвещав Иисус рече ей: о, жена, велия вера твоя, буди тебе якоже хочещи. И изцелю дщи ея от того часа.

**Хор:** Слава Тебе, Господи, слава Тебе.

**ПРИЧАСТНЫ:**

*Причастен дня:*

**Хор:** Твориай Ангелы Своя дужи// и слуги Своя пламень огненный.

*Причастен мученицы:*

**Хор:** В память вечную будет праведник,// от слуха зла не убойтсся.

**Хор:** Аллилуйя, Аллилуйя, Аллилуйя.